



II/2007

Зан

РЕСПУБЛИКАЛЫҚ ҚҰҚЫҚТЫҚ, ҒЫЛЫМИ-ПРАКТИКАЛЫҚ ЖУРНАЛ



Жазықсыз зиян
келтірудің қылмысты
сарапаудағы маңызы

А. МАЛИКОВА

(19-бет)

“Мәдениетке басқару
емес, қолдау қажет”

Айман СЕЙІЛБЕКҚЫЗЫ

(24-бет)

Көне замандардағы
жоғары билік мәселесі

Досбол БАЙГУНАКОВ

(33-бет)

Қуаныш Абайев, Батыс Қазақстан облыстық сотының судьясы:

“Мен еңбек пен спортты ұштастыруды мол бақыт деп сезінемін...”

(17-бет)

Көне замандардағы жоғары билік мәселесі

Досбол БАЙГУНАКОВ,
Абай атындағы ҚазҰПУ
аға оқытушысы,
тарих ғылымдарының
кандидаты

Ежелгі тарихтың ерте кездеріндегі адамдардың әлеуметтік үйімдасуы, тобырдың басқарулығы, рулардың шығу тегі мен олардың көсемдерінің қызметі, рулық бірлестіктерді немесе тайпаларды басқару жолдары, ерте темір дәуіріндегі мемлекеттілік, жоғары билік мәселелері төңірегінде пікірталастар өлі күнге дейінтоластанамай келеді. Бұл мәселелердің қазіргі таңда қайтадан біршама көтеріліп, шыныайы нақтылы-тарихи тұжырымдардың жасалуына ұзақ жылдар бойы кеңестік идеология тұрғысынан алғашқы қауымдық құрылыш кезіндегі билік тұрпаттарына біржакты баға беруінің тоқтатылуы деуге болады. Ерте кездері өндірістік қатынастар дамымаған, ортақ түйсік пен дүниетанымға, идеологиялық тұрғыдан бірікпеген «тағы» да «жабайы» қоғамды маркстік тарихи концепция «адамзат қоғамының алтын ғасыры» деп қанша дәріптеседе, оның кемшін тұстары бар екендігі сол кездә ақ белгілі болған еді. Онда тың-



ғылықты қарастырыла қоймаған проблемалардың бірі ілкі замандардағы билеушілердің рөлі болатын. Кеңестік тарихнама, әсіресе тобырға, ру-тайпаға ерекше мән беріп, билік жүргізген тұлғаларға, жоғары билікті қолында ұстаған тарихи қайраткерлер қоғамдық функциясына қатысты мардымды ештеңе айта қойған жоқ. Соған байланысты осы мақалада көне замандардағы жоғары билік мәселелеріне азды-кемді тоқтап, тарихнамалық шолу жасауды жөнсанадық.

Адамзат тарихының ең ерте кезі тас дәуірі. Ол кез палеолит, мезолит және неолит дәуірлерінен тұрады. Бұл дәуірлердегі бірден-бір дерек көзі тас құралдары болып табылады. Зерттеушілер тас дәуірінен сақталған осы тақілеттес материалдарды XVII-XIX ғасырлардағы қоғамдық дамуы артта қалған ха-

лықтардың мәдениетімен салыстырып, көне дәуірлердегі тұрмыс-салтты бір ізге түсірді. Белгілі ғалым Ю.Семеновтың «Как возникло человечество» атты 1966 жылы Мәскеу баспасынан шыққан еңбегінде алғашқы рулардың шығуына қатысты мәселелер көтерілді де, онда аналық рудың не үшін қалыптасып тұруының факторлары (шаруашылық қарает, неке қатынастары, т.б.) айқындалды. Ю.Семеновтың «Проблемы перехода от материнского рода к отцовскому» (СЭ, 1973, №1), «О материнском роде и оседлости в по- зднем палеолите» (СЭ, 1973, №4) секілді мақалаларында аналық рудың көптеген проблемалары көтеріліп, өз заманындағы этнологиялық мағлұматтар археологиялық деректемелермен үштастырылды. Ғалым палеолит дәуіріндегі аналық рудың ең алғашқы үйімдасу (одан кейін әкелік) түрі ретінде қарастырады да, аналық-рулық теориясын дәріптейді. Ал, кейір ғалымдар тобыр мүшесі үшін аналық ру туыстық жағынан ғана есептелді, оның қоғамдық жағдайы біршама өзгеше болды деген пікірді ұстанады. Бұл бағытты қолдайтын ғалымдар өндірістік қатынастардың қүшөюі, еңбек бөлінісі, ауыр еңбек күші қоғамдағы ер азаматтардың рөлін жоғарылатты, сондықтан жоғары

билікті ерлер иеленді дейді.

Әлбетте, тас дәуірінде алғашқы адамдар тобыр болып өмір сүрді. Зерттеушілер (П.Ефименко, П.Борисковский, А.Хазанов, т.б.) тобырдың пайда болуын адамзаттың хайуанаттар әлемінен бөлініп шығуымен байланыстырады да, оны рулық қауым кейінгі палеолитте ығыстырыды деген тұжырымдама ұстанады. Мұны археологиялық, этнологиялық және антропологиялық әкпараттарда қуаттайды. Ғалымдардың басқа бір бөлігі (В.Алексеев, т.б.) ол оданда ерте кездері қалыптасуы мүмкін екендігін айтады. Тобырды басшысы басқарып, ішкі және сыртқы қайшылықтарды реттеп отырды. Кімнің күші басым болса, соның басшы болуға мүмкіндігі мол еді. Тобыр басшысы болу мұрагерлік жолмен емес, қоғам мүшесінің жеке қасиеттеріне қарай таңдалды. Тас дәуіріндегі жоғары билікті иеленген тобыр басшысының негізгі қызметі қол астындағы адамдардың тыныс-тіршілігін (аңшылық, көшу, т.б.) қамтамасыз ету еді (Хазанов А.М. Природно-хозяйственные различия в каменном веке и проблема первичности материнского рода. СЭ. 1973. №1).

Неолит дәуірінен бастап бұрын табиғаттан дайын өнім алған адам баласы өзі өнім өндіруге кеше бастайды. Осы уақытта мал шаруашылығы мен егіншілік қалыптасып, бұл шаруашылық тұрлар інеруге арналған құрал-саймандар (күмыра, дәнүүккіш, орак, келі-келсал, т.б.) археологиялық ескерткіштерден көтеп үшіраса бастайды. Қоғамда

болған шаруашылық өзгерістер адамдардың топтасуын қажет етті. Белгілі трасолог Г.Коробкова «К проблеме общественно-го строя кельтеминарских племен» атты мақаласында Қазақстанның батыс аудандарында да аздал кездесетін осы археологиялық мәдениет ескерткіштерінің материалдарын (30 шакты қабір, тас құралдар сипаты, баспана, т.б.) талдаған. Онда автор кельтеминар тайпаларының шаруашылық және қоғамдық өмірін ру-тайпа басшылары басқарып отырған деген қорытындыға келген (КСИА, 1981. Вып. 167). Сірә, бір археологиялық мәдени қауымдастыққа жататын мұндай бірлестіктер басшыларының атқарған қызметі үқсас болса керек. Әзірге қолдағы материалдар тас дәуіріндегі басшылардың атқарған қызметін нақты айқындауға мүмкіндік бермейді. Сонда да болса этнологиялық мәліметтер негізінде бірқатар мәселелерді топшылауға осылай болады.

Палеометалл дәуірінде атallyқ ру үстемдік құрып, рулық қатынастар дами бастайды. Алғашқыда қауымдық-рулық құрылыш орнады. Д.Тумаркин өзінің «К вопросу о сущности рода» атты мақаласында руға катысты айтылған ғылыми пікірлер мен көзқарастарды талдай келе былай деп жазады: «В эпоху расцвета первобытного общества род был немыслим без родовой общины, родовая община – без рода» (СЭ, 1970. №5. 95-б.). Осыған байланысты кенестік этнологтар аталған екі әлеуметтік институттардың диалектикалық

бірлігі туралы сөз қозғады. Бұл кезде руладар бірігіп, тайпаларды құрады. Бұған Еуразия жеріндегі сан алуан археологиялық мәдениеттердің (Қазақстанда ботай, беғазы-дәндібай, петров, т.б.) материалдары айқын дәлел бола алады. Кейбір ғалымдар (В.Алексеев, т.б.) рулық қатынастар одан де ерте кезде, палеолит соңында қалыптасқан депte есептейді. Шындығына келгенде, бірқатар кейінгі палеолиттік қоныстардан ұжымдық баспана-лар кездескен. Мұндай ұзын етіп салынған баспана-лар ирокездердеде сақталған. Соған қарағанда неке қатынастары осы қауымдық-рулық құрылышта біршама реттелсе керек. Бұл өз кезегінде билік тұрпаттарының қүшайғендігін, қоғамдық қатынастардың дамығандығын, қауымның әрбір мүшесінің жауапкершілігі артқандығын көрсетеді.

Ру-тайпалық қатынастардың артуы жоғары билікті иемденген көсемнің де өзіндік жауапкершілігін, оның билігінің нығаюын талап етті. Енді көсем бір рудығанда емес, олардың бірлестіктеріне басшылық жасады. Руладар өмір сүру және тіршілігі баянды болуы үшін көрші тайпаларға қосылып отырды. Палеометалл дәуірінде металл бұйымдарды шаруашылықта пайдалану өндірістік қатынастардың біршама қарқынды да-муын қамтамасыз етті. Металдан тұрмыстық заттармен қатар қару-жарактарда жасалды. Мысалға айтар болсақ, негізгі терриориясы Қазақстан жері болып табылатын қола дәуіріндегі анд-

ронов мәдени-тарихи қауымдастырының қабірлөрінен, қоныстарынан қоладан жасалған наиза, жебе үштари көлтеп аршып алынған (Байлақов К.М., т.б. Қазақстан археологиясы. А., 2006). Бұдан палеометалл дәүірінде ру аралық, тайпа аралық қақтығыстардың көп болғандығын көреміз. Ендігі кезекте көсем үшін жаңа қатер қүшейе түсті. Бұрынғы уақыттарда көсем үшін басты жау езінің қоластындағы адамдар болса, ендігі жerde ол сыртқы дүшпандардан қорғануы – тиіс болды. Нәтижесінде ең алдымен идеологиялық түсінікке негізделген әдет шыға бастайды. Бұл көсемнің қоғам мүшелері алдындағы әлеуметтік-экономикалық, саяси реттеу жұмыстарын жүргізуі біршама женілдetti. Ежелгі заманнан қазірге дейін баю құралы болып отырған соғыс адамзат тарихының қасіреті болыптыбылады. Ру-тайпа аралық соғыста жеткен жетістіктер көсемнің мололжа қарпып қалуына немесе әлдебір бәлігін қауым мүшелеріне таратып беріп, оларды кіріптарлықта ұстауына мүмкіндік берді. Ендігі жerde көсем жеңілген тайпаның мұлқіне, жеріне қожайындық етіп, қоғамдағы жоғары билікке деген орнын нығайта түсті. Бірақ, палеометалл дәүіріндегі жоғары билік әлі де болса әлсіз еді. Күнделікті жұмыстарды реттеп отырғанымен, көсемнің қурдели мәселелерді шешуде (соғыс ашу, бітімге келу, т.б.) қоғам мүшелерімен санасуына тұра келді. Ол ру аксақалдарына, қауымның белді мүшелеріне

арқа сүйеп, өзінің дербес саясатын жүргізуге үмтүлды. Жеке меншіктің күшеюін үлкендікішілі обалардан тұратын корымдар материалдары да айқындаиды. Бұған қарағанда, көсем қайтыс болғанда қурдели обаларды тұрғызу ісі көсемдердің басқа қауым мүшелерінен даралана бастағандығын айғақтайды.

Ерте темір дәүіріндегі экономикалық даму Еуразияның көптеген тарихи-мәдени аумақтарында байқалды. Бұрынғы археологиялық мәдениеттердің негізінде жаңалары қалыптасады. Дегенмен, заттай мәдениетте ертедегі қалыптар сақталды. Бұл өз кезегінде билеушілердің де өзіндік функциясының сакталуын жоққа шығармайды. Қай қоғамда болмасын жоғары билік тұлғаның жеке басының қасиеттеріне де белгілі бір дәрежеде иесілі болған еді. Атальыш дәүірдегі билік сипаттамасын зерттеп, оны біршама дамытқан – Л. Морган. Ол «Ежелгі қоғам» деген еңбегінде «әскери демократия» терминін алғаш рет енгізеді де, оны жан-жақты талдап өтеді. Л. Морган еңбегін «О понятии военная демократия» мақаласында зерделеген В. Хмелинский пікірінше былай деп талдауға болады: 1. Әскери демократия – басқару тұрпаты. Қолбасшы – әскери көсем, ол руды басқарады, ал патша билігімен бұл сыйыспайды. Қолбасшы билігін ақсақалдар кеңесі мен халық жиналысы шектеп отырады. 2. Әскери демократияның мәні – қоғам өміріндегі қаһармандық пен еріктілікті үйлестіру.

3. Автордың ойынша «әскери демократия» тағылық және өркениеттілік болып бөлінеді. Біріншісіне ацтек, гомерлік грек, т.б., ал соңғысына римдіктер (Сервий Тулий заманы) мен Солон заманындағы гректердің құрылышын жатқызады да, мұндай қоғамдар мұнымен шектелмейтіндігін айтады (СЭ, 1973. №4). Әрине, кейіннен Л. Морган гипотезасы маркстік ілімді қолдаушылар тарапынан бұрмаланып, таптық курес шенберіндегі концепцияға сай қолданылды. Онда мемлекет тек қанауыш аппарат ретінде сипатталды.

Әрине, «әскери демократия» Еуразиядағы көптеген халықтарда орнығып тұрғандығы белгілі. Бұған байланысты отандық зерттеушілер де (К. Ақышев, М. Қадырбаев, т.б.) уақытында өз ойларын айтты. Олар жазба дөрек көздері мардымсыз болғандықтан көбіне археологиялық мағлұматтарға сүйенді. Сақ, савромат қоғамы заттай мәдениет негізінде зерделеніп, оны басқарған билеушілерден қалған обаларға назар аударылды. Сақ патшалары жерленген көлемді обаларды (кейбірінің диаметрі 100-ден асады) «сақ пирамidalары», «патша обалары», т.б. деп атап, патшаның қоғамдағы орнын айқындаады. Отандық мамандардың көпшілігі сақ-савроматтарда әскери демократия мен алғашқы көршілестік қауым үгымдарының болғандығын қуаттайды. Жерлеу ғұрыптарындағы сән-салтанат сақтарды басқарған азғана топтың ерекше артықшылықтары болғандығын нақты көрсетеді.

Зерттеушілер сак заманы шағынтыс отбасылар тобы (патронимия), көшпелі қауым, тайпа, тайпалар одағысынды құрылымдарға жіктеледі деп есептейді. Ең тәменгі патрономия аталатын үя әулеттің табиғи бөлшектенуінен қалыптасты. Ол бөлінген әulet басшысы есімімен аталды. Көшпелі қауым бірнеше патрономиядан тұрды. Қоғамдағы маңызды саты тайпа болды. Онда ортақ этникалық және саяси сипаттар, диалект, діни ұғымдар, жоғарғы көсем мен әскери басшы болды. Нәтижесінде тайпалық одақтар қалыптастып, бұл өз кезегінде мемлекеттіліктің алғышарттарын қалыптастыруды. Сайланып қойылатын көсемлардың басшылығымен әскери билік шоғырланды, әскери жасақтар құрылды (Қазақстан тарихы. 1-том. А., 1996, 226-б.). Сөйтіп, сак патшалары жоғары билікті өз қолдарында ұстап тұрды. Олар мемлекеттік маңызды мәселелерді кейде жеке дара шешуі де мүмкін. Себебі, кейбір дерек көздерінде сак-скиф патшаларының шүғылтүрде шешім қабылдап тұрғандығы келтіріледі.

Сақтардың мирасқоры болған үйсін, қаңлы, т.б. тайпаларда да жоғары билік «патша» қолына шоғырланғандығы байқалады. Егер жазбадерек көздерінің мардымсыздығынан сақтар мемлекеттілігі жайлы сөзді зерттеушілер байқап қолданса, есесіне үйсін (усунь) және қаңлы (кангюй), ғұн мемлекеттілігі тура-лы кең көлемде жазады. Себебі, көне қытай деректемелеріндегі «усунь-го» сөзінің соңғы буыны

«мемлекет» деген мағына береді. Усуньдердегі жоғарғы билік сонау сақтар заманында қалыптасқан деп топшылауға болады. Себебі, археологиялық мағлұматтар байырғы дүниетанным, заттай мәдениет пен тұрмыс-тіршіліктің аздап өзгерістерге ұшырағанымен, усунь заманында және одан кейінгі уақыттарда бір арнада дамығандығын дәлелдейді. Қытай деректемелерінде үйсіндермен дипломатиялық қатынастардың орнауы, үйсін күнбінен қытай ханшасының ұзатылуы күнби (гунъмо) билігінің шексіздігін аңғартса керек. Ұлы күнби мен Кіші күнбидің қолында жоғары биліктің болуы, үйсіндерде өзіндік иерархиялық сатының болғандығын аңғартатын сияқты. Себебі, Кіші күнби де кей жағдайларда (Ұлы күнби қайтыс болғанда, т.б.) жоғары билікті иемденіп қоғамдағы қатынастарды реттеп, биліктің мызығымастығын қамтамасыз еткен. Кейбір мағлұматтарда сян-да-лу, цзо-да-лу, ю-да-лу, хоу, т.б. секілді шендер де ұшырасады. Бұл да күнбидің өз билігін шексіз жүргізуі үшін, бүйрықтары мен өкімдері шартарапты қамтуы үшін жасаған шарасы болып табылады. Қалай болғанда да усунь қоғамы этникалық жағынан біркелкі емес еді. Мысалы, Н.Бичурин келтірген қытай деректерінде «үйсіндер арасында се (сак) және юәчжий тайпаларының аталары ұшырасады» деп көрсетілген (Ч.ИІІ, СПб, 1851, 65-б.). Мұның өзі күнбиде вассалдық иелік-

тердің де болғандығын айғақтайды.

Қаңлы және ғұн мемлекеттері де құрылышы жағынан үйсіндер мемлекетіне үқсас болған. Бұл тарихи шығармаларда нақты келтіріледі. Қаңлылар бес иелікке (Фуму, Юегань, т.б.) бөлінген. Соған қарағанда қаңлы билеушісінің орынбасарларынан басқа, бес ұлысты басқарған көмекшілері немесе үәкілдері болғандығы анық. Мұның өзі қаңлы мемлекетініңде күрделі иерархиялық құрылым жұмыс жасағандығын нақты көрсетеді. Сірә, ханның билігі шексіз болса керек. Мұны қытай деректемелері де растайды. Айтальық, ол ғұндар билеушісіне қол астындағы әскерінің бір бөлігін беріп, шығыс шекараларының қауіпсіздігін қамтамасыз еткен. Өз іскерінің болуы, сондай-ақ Ұлы жібек жолынан өткен керуендерден алым-салық алу қаңлы билеушісінің қолбасшы және жердің қожайыны болғандығын айғақтайды.

Қорыта келе айтарымыз, көне замандардағы жоғарғы билік қауымның әлеуметтік үйімдасуымен тікелей байланысты болды. Тарихи дәүірлердің әрқайсысында қоғамның даму деңгейі жоғары биліктің өзгерістерге ұшырап тұруына әсерін тигізді. Әрбір тарихи өнірде құрылған мемлекеттік құрылымдарда жоғары биліктің өзіндік тұрпаттары жұмыс істеп тұрды. Билікті қолға алу, елді басқаруда жеке тұлғаның да қабілеті мен дарыны маңызды рөл атқарды.